



**UNIVERZITET U SARAJEVU  
ORIJENTALNI INSTITUT**

Broj: 02-264/20  
Sarajevo, 20.7.2020. godine

U skladu sa članom čl. 9. stava 3) i člana 15. stav 5) Pravilnika o sistemu osiguranja i upravljanja kvalitetom na Univerzitetu u Sarajevu, u skladu sa čl. 23. Poslovnika o radu Odbora za osiguranje kvaliteta Orientalnog instituta Univerziteta u Sarajevu, na prijedlog Odbora za osiguranje kvaliteta Orientalnog instituta Univerziteta u Sarajevu, Vijeće Orientalnog instituta Univerziteta u Sarajevu je na 52. (2020) redovnoj sjednici Vijeća održanoj 27.7.2020. godine usvojilo,

**Opće smjernice za osiguranje kvaliteta naučnoistraživačkog rada  
na Orientalnom institutu Univerziteta u Sarajevu**

Budući da je jedna od nadležnosti Vijeća instituta kao organizacionih jedinica utvrđivati i plan razvoja Instituta u skladu sa čl. 106. stav 3. j) Statuta Univerziteta u Sarajevu, Odbor za osiguranje kvaliteta Orientalnog instituta:

1) Naglašava specifičnosti djelatnosti i ukazuje na društveni smisao osnivanja Orientalnog instituta u Sarajevu, u skladu sa osnivačkim aktom istog, te predlaže

a) planiranje raspisivanje konkursa u skladu s matičnošću i harmoniziranim potrebama razvoja određenih polja razvoja;

b) utvrđivanje popunjenosti pozicija u periodu od 30.06.2020. do 31.12.2024. godine, te određivanje prioriteta za popunjavanje određenih oblasti koje su u bliskoj vezi i sa praćenjem napredovanja u postojećim zvanjima i sa potrebama znavljanja kadra zbog predstojećih okončanja radnog odnosa odlaskom u mirovinu ili na neki drugi zakonom propisani način.

2) Ukazuje na potrebu ulaganja u digitalnu vidljivost istraživanja i rada Orientalnog instituta Univerziteta u Sarajevu, te predlaže:

a) poduzimanje svih potrebnih koraka ka digitalizaciji i digitalnom predavljanju izdanja Instituta u obimu i na način koji je najpodesniji za predavljanje izdanja Instituta, knjiga, radova i časopisa, uz pisanu saglasnost autora i u skladu s preporukama Savjeta za izdavaštvo.

b) uključivanje mladih istraživača u istraživačkim zvanjima u infrastrukturne digitalne projekte Instituta kroz godišnje radne zadatke, kako je predviđeno u njihovim ugovorima o radu.

3) Skreće pažnju na veću posvećenost naučnih saradnika s naučnim zvanjima razvoju istraživačkih, naučnih i stručnih kompetencija mladih istraživača:

a) uključivanjem mladih istraživača u istraživačke projekte ili istraživačke i stručne poslove manje složenosti a u cilju stjecanja stručnih kompetencija bez kojih je nezamisliv dugoročni ozbiljniji rad u instituciji kakav je Orijentalni institut Univerziteta u Sarajevu

b) preporukom mladim stručnim saradnicima da razvijaju prvenstveno jezičke kompetencije na potrebnom akademskom nivou kako bi uopće mogli razmišljati da se u kasnijoj fazi mogu uključivati u samostalne naučnoistraživačke projekte specifične za rad Orijentalnog instituta Univerziteta u Sarajevu

c) pomaganjem i skretanjem pažnje mladim istraživačima na bitnost poboljšanja svih predispozicija za kompetentno bavljenje određenim izvorima koji zahtijevaju dobre jezičke osnove (nekad i poznavanje više orijentalnih jezika) kako bi uopće mogli krenuti u proces prijeko potrebnih specijalizacija u okviru bavljenja orijentalnim studijama ili specijalizacijama u okviru ekonomske, društvene, kulturne ili historijske osmanistike, a u skladu s Pravilnikom o unutrašnjoj organizaciji i sistematizaciji radnih mjesta u Orijentalnom institutu Univerziteta u Sarajevu u dijelu koji se odnosi na posebne uslove.

d) savjetovanjem i pomaganjem u čitanju izvora, kako bi se u praksi razvile osnovne istraživačke kompetencije stručnih saradnika

4) Podsjeća da u cilju kvalitetnog napredovanja istraživačkog osoblja, početno zvanje stručni saradnik ne podrazumijeva obavezu rada na samostalnim naučnoistraživačkim projektima (radnim zadacima) u skladu sa Zakonom o naučnoistraživačkoj djelatnosti („Službene novine Kantona Sarajevo br. 26/16“).

5) Preporučuje Vijeću i direktoru Instituta da se uspostave naučni i drugi oblici saradnje sa sličnim institucijama u inostranstvu, u cilju razmjene kadra, studijskih i sličnih boravaka i drugih oblika saradnje.

Odbor za osiguranje kvaliteta Orijentalnog instituta Univerziteta u Sarajevu dostavlja smjernice u dalju proceduru radi unapređenja i osiguranje kvaliteta svih akata koji se donose u skladu sa nadležnostima iz čl. 106. stav 3. j) Statuta Univerziteta u Sarajevu.

**Predsjedavajući Vijeća**

  
Dr.sc. Adnan Kadrić naučni savjetnik